

lipu tenpo



nanpa kalama

jan pali

jan Alonola + jan Kapesi Pake + jan Kasape
+ jan Ke Tami + jan Momo + jan Sonatan
li toki.

jan Kasape + jan Ke Tami + jan Simiman
li alasa e pakala toki.

jan Alonola + jan Ke Tami + jan Momo
+ jan Simo li sitelen.

jan Kasape li sijelo e lipu.

jan Alonola + jan Sonatan li lawa e kulupu.

jo

kulupu 3 lipu sin tan jan Sonja

4 kulupu li toki pona
lon ma Ite

toki pona 5 pilin mi pi
nasin nanpa pona

6 poka sina o lon jan

sona 7 nimi pi ilo kalama

musi 9 toki kalama tu

9 toki 10,000,000,000
pi nasin Limili


15 seme li mi

15 kijetesantakalu o

♪ a lipu tempo sin li lon
sina kama sona e kon
sina wile e ni la
o kama jo e ona
kepeken lipu Patejon

lipu tempo li tawa ma ale
o toki ala e ijo ante
ona li tawa waso
sina o lukin taso
lipu ni o tawa sina ale!

- jan Sonatan



lipu ni li tan kulupu
lipu tempo e.V. ·

kulupu ni li lon ma Aken ·
ona li lon ma Tosi ·

mi pana e lipu ni
lon tempo nanpa 2024 ·



lipu sin tan jan Sonja

tan jan Ke Tami


→ **ijo sin pona li kama tan jan Sonja:** jan Osu pi wawa nasa. ona li pali e lipu sin. lipu li kepeken sitelen pona la mi pilin pona. mi esun e ona. suwi. musi. pona.

tenpo pini suli weka la jan Pan Po li pali e lipu tawa jan lili. lipu la meli lili li kama lon ma nasa namako li wile tawa tomo ona li kama lon poka pi jan nasa pona. tenpo pi suli ala la mi lukin e lipu ni pi toki Inli. ona li musi, taso ona li suli kin. jan Sonja li lili e lipu li toki pona e ijo ale. ona li awen pona e ale lipu li lili suwi kin e ale. mi lukin e ale pi lipu sin lili kepeken tempo lili a.

pona lipu li wawa. kute la jan Sonja li wile pali e lipu mute kepeken nasin sama: sitelen kule li pona lon insa lipu li lon poka pi toki musi pona. lipu kama wan anu lipu kama tu li jo e pona pi suli sama la mi wile pana e mani tawa lipu pi jan Sonja.

ike lili li kama tan kulupu esun Amasen. kulupu ni li lawa e pali lipu. tan ni la ona li ken e lipu pali lon nasin toki ale ala. kulupu li sona ala e toki pona la lipu o kepeken toki pi sona ona. ni la wan toki li pini la jan Sonja li pana e ona sama kepeken toki Inli kin. taso ike lili ni li ken pona suli kin. a lipu mute li kama tan toki ante tawa toki pona. taso tempo ala anu sama la lipu li kama tan toki pona tawa toki ante. taso jan Sonja li ni. jan li kama sona toki la lipu ni li ken wawa e sona ona.

ijo wan li suwi mute tawa mi: sitelen kule insa li wawa a. jan li lukin e selo lipu taso la ona li kama sona e kule lili taso. kule insa li wawa suli: mi pana e lipu tawa poka tomo wan la mi tawa poka tomo ante la mi awen ken pilin a e wawa kule.



kulupu**li toki
pona****lon ma Ite****tan jan Kasape**

→ **tempo sin¹** la kulupu li toki pona lon ma Ite · ona li lon ma Netelan · jan Aje en jan Jonatan en jan Kasape en jan Pensa en jan Simiman li lon ona li toki pona ·

kama² la mi tawa tomo kalama · lon ona la ilo mute li ken kalama · ilo ni li moku e lipu suli · lipu li jo e lupa · ilo li kama moku e lupa la ona li kalama · lipu li jo pona e lupa la tan ilo la kalama pona li kama ·

mi kin li ken pali e lipu kalama · tomo li jo e lipu e palisa · jan li palisa e lipu la lupa lili li kama lon ona · kepeken ni la mi pali e lipu · mi pana e ona tawa ilo la ona li kalama · jan Pensa li pali e kalama «kulupu jan tempo» · jan Kasape li pali e kalama «pipi li tawa kasi» · kin jan Aje li sitelen e sitelen suwi lon monsi lipu ·

kulupu li kama tan tomo kalama li kama tawa tomo lipu · lon ona la mi pali e pali musi · ona li seme ·

jan ali li jo e lipu · ona li sitelen e sitelen lon lipu · jan ali li pana e lipu ona tawa poka ona · ni la jan li oko e sitelen pi jan poka · ona li toki pona e sitelen ni li monsi e sitelen li pana e lipu tawa poka · ni la jan poka li oko e toki taso · ona o sitelen e sitelen tan toki ni o monsi e toki · ona li pana e lipu tawa poka · jan poka lioko e sitelen taso li toki pona e ona · mi ni awen ·

lipu li sike lon kulupu la sitelen ali monsi li kama sinpin · ni la jan ali li oko e kama · sitelen en toki li kama ante a · ni li musi · kama la soweli suli · pini la akesi suli · kama la tomo li jo e lupa · pini la jan mute li pakala e tomo suli kepeken kiwen wawa · mi oko e sitelen ali · ona li musi · mi pilin pona tan ona ·

suno li kama lape la kulupu li kama pakala · jan Aje en jan Pensa li kama tan kulupu · jan san³ awen li moku e pan pona li pali e pali musi ante · ona li seme ·

sitelen mute li lon supa · ona ali li wile anu wile ala · jan wan taso li sona e ni : sitelen seme li wile · ona li toki e sitelen mute wile kepeken nimi lili tawa kulupu · tan toki lili ni la kulupu o toki e sitelen · kulupu li toki e sitelen wile la ona li kama weka · pini la sitelen ali wile o weka en sitelen pi wile ala o awen ·

mi ni ali pi toki pona taso · ni li musi suli · mi pilin pona tan ni ·

I

¹ tempo pini lili

² open

³ tu wan



Opentag

❖ III + ☽ III > ↗ תְּלִוָּה,
❖ ☽ # v > ↗ תְּלִוָּה.
❖ ? ...

ρΘχ»□ρ |当#. . . .
÷↓>^γΩ↓:
ρω■»□γ#-⊕. . .
↓>γΛρ. ⊕=.
ρΛχ当»当# |合当ρ
>Λ当»↑#-. .

↑↓> 三三匁↓: 〇>二口団
>ω×»lo三! . 口↑>↑#
七首×»↑) 〇〇: 〇三>二↑団

1 > 1, 11 > 11, 111 > 111, 1111 > 1111, 11111 > 11111.



10000 > 10000, $\text{h} \cup \odot$

#+>Y>uNp)↑#u
+>uNp)↑#u

11-1121-10100 #

#1. R5b!R

↓) P A D B

个#^>光^»首^个^>^»心^只^个^.
个#^>Q#^>Q^个^个^其^>^A^b^

b ! \wedge b \Rightarrow \top \vee \neg b \bot. \quad \square \# > K X \otimes \gg b. \quad \# > \text{m} X \gg p,
- \square \blacksquare > \text{m} \gg p \bot. \quad (\text{~~~~~})



poka sina o lon jan

tan jan Kasape

→ **jan Sonja li pali e lipu lili · ona li nimi e ona ali kepeken kalama · lipu <pu> li kama · ona li kama e lipu <ku> · jan li ken awen sona e ni ·**

taso lipu li mute la kepeken seme la jan li ken awen sona e ni : lipu seme li kama e lipu seme · mi pali e ilo toki tan ni · ona li jo e kalama pi lipu ali · jan li toki e ilo ni toki la ona li toki e kalama ali · ni la jan li awen sona e ilo la ona li awen sona e kalama · lipu li tu taso la mi toki e ilo ken lon mi ·

pu ku lu u su nu ju
pakala o suno jan

pu ku lu ju u nu su
pakala jan o nasin

sin la lipu <su> li kama · tan ona la ilo ken pona li kama lili taso · ilo toki seme li awen ken · mi toki e ona ali ·

kalama <pu ku su> li kama e toki · ona li ken pali seme e nimi ·

pu-ku su
poki/poka s-

pu ku-su
pan kasi

pu ku su
pan ken/ko/kon s-

kalama tu tu li awen · kepeken ona la jan li ken pali e nimi seme ·

u
a/e/o

u-lu
ala/ali/olin

u-nu
anu/ona/unu

u
jo

ju-lu
jelo

lu
la/li/lon

lu-ju
linja/loje

su
san/sin

su-ju-lu
sijelo

su-lu
seli/suli

su-nu
sona/suno/sina

mi pali e toki mute
kepeken ken ni ·

pu ku su u nu lu ju
pan kasi anu linja
poka sin ona li jan

pu ku su lu ju u nu
poka sijelo o ni
poki sijelo ni a
poka san la jan ona
pan ken sin li jo e ni
pan ko sin la jan o ni

pu ku su lu nu u ju
pan ko seli ni o jo

pu ku su nu u lu ju
poka sina o loje
poki suno o lon jan

pu ku su nu u ju lu
pan kasi ni o jelo

pu ku su nu ju lu u
poka suno jelo o

pu ku su nu lu u ju
<paka>¹ · sina lon e jan

pu ku su nu ju u lu
poka sina · jan olin

sina kin o pali e ilo toki ·
ken seme li pona · mi wile
sona e pali sina ·

I

¹ nasin pi toki sike la <pakala> ·

nimi pi ilo kalama




tan jan Alonola

→ **mi musi lon kulupu pi kalama musi.**


kulupu ni la, jan mute li kalama kepeken ilo ante mute. mute la, mi pilin e ni: nimi pi ilo ni li seme? ni la, mi wile alasa e nimi ona. nanpa wan la, ilo kalama li ante tan ni: ona li kalama kepeken nasin ante. suli la, nasin tu tu ni li lon:

nasin nanpa wan la, ilo li kalama tan kon. sina pana e kon tawa ilo la, ona li kalama. sina ken ante e kalama kepeken nasin mute. suli la, sina ken open anu pini e lupa. ilo kalama ni li ilo kalama kon.



nasin nanpa tu la, ilo li kalama tan linja. sina tawa e linja kepeken palisa anu luka anu ilo ante la, ona li kalama. sina ken ante a kalama kepeken nasin mute. sina ken lili e linja kepeken luka sina. ilo kalama supa pi palisa walo pimeja (ilo Pijano) li tawa e linja kepeken ilo palisa. sina ken ala ante e kalama pi linja wan. taso sina ken kepeken e linja ante. a linja mute li lon. ilo kalama ni li ilo kalama linja.

nasin nanpa tu wan la, ilo li kalama tan sijelo. sina luka wawa e ilo la, sijelo ona li kalama. sina ken ante lili e kalama pi ilo ni. ni la, ilo wan li ken kalama mute. sijelo ona li ate mute a. ona li sike anu poki anu lipu. ilo kalama ni li ilo kalama sijelo.




nasin nanpa tu tu la, ilo li kalama tan wawa ilo. ken la, sina sona e nimi pika. ona li wawa ilo, ilo kalama ni li sin mute. ilo mute li ken kalama kepeken nasin nanpa wan anu nasin nanpa tu la, sina ken suli e kalama kepeken wawa ilo. taso ilo nasa pi wawa ilo taso li lon kin. ilo Selemin (theremin) li kepeken wawa ilo taso. ilo kalama ni li ilo kalama wawa.

ale la, ilo kon en ilo linja en ilo sijelo en ilo wawa li lon. ken la, ilo ante li lon, taso mi

sona ala e ona. kulupu musi mi li kulupu musi Sinponi. ilo ona

li ante lili. kulupu ilo tu tu li lon: ilo kon kiwen, ilo kon kasi, ilo linja, ilo sijelo. ilo kon kiwen en ilo kon kasi li lon tan ni: sijelo ona li kiwen anu kasi kiwen. →



sijelo pi ilo kalama li suli anu lili. suli tu tu li lon. mi wile toki ala e “lili mute”, ni la mi kepeken e nimi sin “meso”. ijo meso li suli ala, li lili ala, li lon insa ona. suli tu tu li ni: lili, meso, suli, suli suli. ilo li suli la, ona li kalama anpa. ilo li lili la, ona li kalama sewi. o lukin e sitelen. ona la, mi pana e nimi ale, e ma ona lon kulupu musi Sinponi.

suli sijelo taso li pona ala tawa ilo kalama. ilo kon kasi la, ilo meso en ilo suli li ante mute ala. sijelo ilo tu li sama mute. ilo meso li ken kalama sewi, li ken kalama anpa. ilo suli li ken ala ni, li ken kalama anpa lili, li ken kalama sewi lili. taso nimi o lon. ni la, ilo Opo (hautbois, oboe) li ilo suli; ilo Kalineto (clarinetto) li ilo meso.


ilo kon kiwen la, suli li nasa kin. ilo lili en ilo meso en ilo suli li sama lili. taso suli ona li ante. ilo sike li nasa, li ken kalama mute. sijelo ona li sike, li sama ala ilo ante. ona li ken kalama anpa, li ken kalama sewi. ni la, mi nimi pi “ilo sike” e ona.

ilo linja li nasa lili. mi musi e ilo linja lili, e ilo linja meso. ona tu li sama mute, li jo e linja tu tu. ona tu li jo e linja tu wan sama. ilo lili li jo e linja sewi namako. ilo meso li jo e linja anpa namako. sina musi e ona tu lon poka lawa sina. ante la, sina musi e ilo suli, e ilo suli suli lon poka sijelo sina. ilo suli tu li jo e linja tu tu kin. linja ni li suli, li pana e kalama anpa a.

ilo ante li lon. ona kin li lon kulupu musi Sinponi. mute la, ilo ante ni li ilo linja suli. kulupu la, ona wan taso li lon. ona li ilo Pijano anu ilo pi linja mute. seme li ilo pi linja mute? ona li jo e linja mute a. taso sina luka e palisa ona ala, e linja ona.

ilo ante mute li lon. nimi ona mute li lon. kama la, mi toki e ona.

I



toki kalama tu

tan jan Ke Tami



→ **ni li toki tu.** taso nimi ale pi ona tu li sama.

ilo li pana e kalama wawa.

ilo li suli. ike ona li lili taso.

ona li pini e lape.

mi kepeken kalama ona.

tempo lape o awen lon pimeja taso.

o lawa e lape.

mi kalama ilo la lawa li kama ante.

nasa ilo li kama e nasin sin.

nasin li weka e tempo lape.

suli ilo li ken kama lili.

ona li pini ala e kalama ona.

kute mi li wile tawa kalama.

ilo en pilin mi li sama.

utala wawa li kama pini tan kalama ni.

ilo li pana e kalama.

wawa ilo li suli ike.

ona li lili. taso ona li pini e lape mi
kepeken kalama ona.

tempo lape o awen lon.

pimeja taso o lawa e lape mi.

kalama ilo la lawa li kama ante nasa.

ilo li kama e nasin.

sin li weka e tempo lape suli.

ilo li ken kama.

lili ona li pini ala e kalama ona.

kute mi li wile tawa.

kalama ilo en pilin mi li sama utala.

wawa li kama pini tan kalama ni.

I

toki 10,000,000,000 pi nasin Limili

tan jan Kapesi Pake

→ **musi toki li suli mute tawa mi.** tempo ali la,
mi wile pali e ona. ni la, mi alasa pali e musi
toki sin kepeken nasin nasa pona. ona li ni!
ni li pali suli nasa pi toki pi nasin Limili. toki
pi nasin Limili o jo e linja luka, o kepeken
lawa pi nasin Limili pi nanpa kalama. toki
10,000,000,000 pi nasin Limili li lon. taso,
lipu ni li ken ala jo e toki 10,000,000,000 a!
ni la, sina wile lukin e ona la, sina o pali e
toki ni! o pali e toki ni kepeken nasin ni:

lipu li luka. lon ona ali la, o alasa e linja nimi
wan. sina ni la, o kulupu e linja nimi ali sina.
o pana e ona ali tawa toki pi nasin Limili.
sama ni la, ni li toki ken pi nasin Limili:

1 monsuta li pilin apeja

35 taso, kule li wile luka

72 ona tu o pok

96 o lawa e pali

14 la, kala ma li kama ala.

kulupu nimi 100 li lon linja ali la, toki
10,000,000,000 pi nasin Limili li lon lipu ni!
o pali pona e ona a!

→

lipu nanpa wan

1 monsuta li pilin apeja
 2 mi wile alasa moli la,
 3 pakala pimeja li pana
 4 mi la,
 moli mama o nanpa
 5 utala li nasa mi wawa
 6 moku jan
 li jo e kon sin la,
 7 kala kalama o weka a
 8 mi mute en ona en sina
 9 namako pi nasin mani la,
 10 tempo majuna li jaki ma
 11 sin suwi sina li ken sama
 12 pilin pi moli mi li weka
 13 mi awen alasa e kama
 14 wawa ali li awen wawa
 15 mi taso en suno o ponan
 16 o len e wile pini ona
 17 moli li seme li ken sina
 18 oko li tawa la, o pana
 19 kon lon pi supa mu
 li noka
 20 o tawa ona. kin la, sona
 21 kalama ike pi ken poka
 22 sitelen li ken linja lawa
 23 open nasa o ike sama
 24 o lon e nasin lukin anpa
 25 apeja li mi la, pilin la,
 26 mi wile jan lon poka sina
 27 mi wile ala kute sina
 28 o kepeken ala jan poka
 29 tempo pini la, mi lukin la,
 30 sina taso li weka e wan
 31 o pali e moku tan ni la,
 32 mi ken ala ken
 tawa wawa?
 33 jan wan ni li moli e anpa
 34 ma tomo seme li pimeja
 35 tomo li tomo e kalama

36 mun la,
 mi ken mute e nanpa
 37 ma majuna powe
 en mi la,
 38 ni la, o pake e apeja!
 39 mi wile lape. taso, mama
 40 wan en tu
 en utala nanpa
 41 suno li seli e kasi la,
 42 tawa sama
 en jan wan wawa
 43 soweli len li sike linja
 44 akesi li suwi ala la,
 45 sina o pini mi e mi la,
 46 mi alasa sina e sina
 47 sina tu o kepeken ala
 48 al! ponapoka o pini la,
 49 ni li olin. ni li pan mama
 50 jan li lon ala ilo tawa
 51 kasi kin li namako ala
 52 mi oko kepeken lukin la,
 53 kin la, oko walo li sona
 54 ona o wile e mani la,
 55 sewi li laso. nasin noka
 56 pipi li jo e lili noka
 57 al! mi o pini. mi ken ala
 58 ona li lape mute. ni la,
 59 sina seme
 lon tempo weka
 60 suwi en jaki li ken sama
 61 nasin ante ali li kama
 62 o moli. o moli tan wawa
 63 o sewi e nasin moli a
 64 al! o nanpa e moli sina
 65 ona li poki e moli la,
 66 jan Luna o esun e mi la,
 67 lipu ni li ken ante ala
 68 pakala ona li sewi la,
 69 seme o tawa sama unpa
 70 esun jan
 li ken sama insa

71 ona o lon poki e nanpa
 72 mi sewi e pimeja ona
 73 o lukin e mi. o alasa
 74 lipu pi tawa moli wawa
 75 sina o kipisi e noka
 76 telo sijelo loje ala
 77 mi alasa lukin e pana
 78 mi wile kama sona pona
 79 mi ken kama pilin e lawa
 80 o mama e ma. ni la, ona
 81 loje la, mi wile alasa
 82 jan Joke li musi tan anpa
 83 o uta e lupa suwi a
 84 ni li tomo pali li mama
 85 toki li lili li wan sama
 86 sina moli anu seme a?
 87 ona o ona e ona la,



88 mi kama.
 mi lukin. mi anpa
 89 ona o anpa ala anpa?
 90 selo awen li namako a
 91 ni li pana e lipu weka
 92 tan seme la,
 o kama sona
 93 pipi walo monsi kute la,
 94 mi supa. mi suli. mi luka
 95 nena li nasa. noka ni la,
 96 o mama e soweli e ma
 97 selo suno li sike e ma
 98 sona supa sina li sama
 99 mi o mi pi palisa supa
 100 nena sinpin mi li linja la,

lipu nanpa tu

- 1 mi o wile nimi e ona
- 2 supa li suwi li lon insa
- 3 o weka e pilin tan nasa
- 4 ni la, tan seme la, mi ala
- 5 pakala li mi li monsuta
- 6 kon nanpa wan la,
 mi lon pona
- 7 sina la, mi wile moli a
- 8 o alas a pini utala
- 9 mani sin sina o palisa
- 10 sijelo ni li oko ala
- 11 sike sina li suli pona
- 12 mi lon anu seme? o pana
- 13 selo ona li jelo. o wan
- 14 ni li luka e ona ala
- 15 o kama
 kepeken mu wawa
- 16 wan o tu e moli e pana
- 17 pana li seme li pimeja
- 18 kule tu
 li nanpa wan insa
- 19 ali la, mi olin e sina
- 20 kulupu Lanpan li utala
- 21 toki suwi li toki pona
- 22 sina kala pi suli uta
- 23 soweli Sowe li mu ala
- 24 suno li suno e pakala
- 25 apeja li seme? o sona
- 26 lipu Linluwi li lili a
- 27 kin la, oko walo o sama
- 28 ni li natin Awesome a
- 29 palisa pona o lon lupa
- 30 kule en kulupu li kama
- 31 ma Mali li ma li alasa
- 32 kiwen Usawi li pali ma
- 33 ni kin li toki jaki ona
- 34 ala Osa li laso ala
- 35 taso, kule li wile luka

- 36 lawa li pini e natin jan
- 37 jan Mo
 li anpa e ma mama
- 38 mi monsuta e poka insa
- 39 ante li selo e awen a
- 40 esun li kulupu e supa
- 41 mun ante li sitelen kala
- 42 nimi open o kute lawa
- 43 mi sike e monsi palisa
- 44 waso mi li sike tan linja
- 45 powe pi lape lili li wan
- 46 sina o pali sin e sin a
- 47 lipu li lete kepeken wan
- 48 mi kute e pipi lon luka
- 49 ni li pan pi walo pimeja
- 50 len sijelo o sitelen a
- 51 pipi pokio tan palisa
- 52 jan Jane o, sina tawa ma
- 53 o wawa e pilin ni nasa
- 54 waso loje li laso nena
- 55 ko lete o lape taso a
- 56 tempo jelo
 o tan utala
- 57 sina esun e musi poka
- 58 pan namako
 li tu anu wan
- 59 open lawa la, mi ko supa
- 60 mu mani
 li mu tan kalama
- 61 sike loje o sinpin nena
- 62 kute li ante e mu linja
- 63 tomo mi li ijo e nena
- 64 sina lape anu alasa
- 65 kasi li kepeken palisa
- 66 o ko oko e selo uta
- 67 noka namako o len ko a
- 68 akesi seli o mun linja
- 69 ona li palisa e weka
- 70 mi jo e tomo suno supa
- 71 ijo taso li monsi lupa
- 72 o kute ante e len linja
- 73 pipi ko li ijo pimeja
- 74 kili pan pokio jo supa
- 75 sijelo laso li loje a
- 76 mi lete e kiwen pimeja
- 77 mani Nono li tomo uta
- 78 waso walo li sike noka
- 79 sinpin li lipu tan palisa
- 80 sitelen lape o lon supa
- 81 o len e kiwen anu noka
- 82 awen li kepeken seli a
- 83 lape lipu li lipu lupa
- 84 mi lape anu monsi noka
- 85 kepeken mute li jo insa
- 86 kiwen namako o selo a
- 87 ona li awen lukin ona
- 88 suno sina li mun kalama
- 89 kepeken seme la,
 mi wawa
- 90 ma Montana li jo e pona
- 91 oko lete li ante lupa
- 92 lawa sina o awen ala
- 93 kasi mani lioko uta
- 94 akesi kiwen li ike pan
- 95 pokio awen la,
 o mun lupa
- 96 ijo ni li kepeken nasa
- 97 mu waso en ni li palisa
- 98 kala kulupu li kalama
- 99 mi o ni e luka tan lupa
- 100 ilo nanpa li ilo sona ➔



lipu nanpa tu wan

- | | | |
|----------------------|----------------------|------------------------|
| 1 ni li kasi kili | 23 sewi kon o jan ni | 62 e lili e suli |
| 2 e sitelen pini | 24 tenpo la, o suli | 63 ni li sina suli |
| 3 o pona o pali | 25 o ni o jaki ni | 64 pona la, mi lon kin |
| 4 a ale li ali | 26 suwi o ona kin | 65 ona wan li ali |
| 5 o lili ni suwi | 27 sina kin li moli | 66 ona ali li ni |
| 6 taso, kon tu li ni | 28 sina moli lili | 67 ona moli li mi |
| 7 e wile e jaki | 29 kule li kapesi | 68 e mu wawa seli |
| 8 mi wile kipisi | 30 sina suli sewi | 69 o moku e monsi |
| 9 e open suwi mi | 31 o luka e monsi | 70 e nimi tan sinpin |
| 10 o open o pini | 32 a moli li nasin | 71 la, pilin li pipi |
| 11 kulupu o sin ni | 33 o tawa wawa mi | 72 ona tu o pokи |
| 12 jan Pata li musi | 34 sewi la, mi pilin | 73 e ona e olin |
| 13 nena li lon monsi | 35 jan o kule e mi | 74 e ike lon nasin |
| 14 o lon sin e olin | 36 sina moku lili | 75 ona li mu musi |
| 15 ni en mi li lukin | 37 o olin akesi | 76 ona li toki kin |
| 16 o toki anu ni | 38 sin en sina li ni | 77 jan Po li ijo sin |
| 17 la, ona li tan ni | 39 apeja li nasin | 78 jan Pasila o ni |
| 18 mi moku e kili | 40 sina mute li mi | 79 sin sina li pali |
| | 41 toki ma li pini | 80 e jo e ken ali |
| | 42 la, tenpo o moli | 81 la, ni la, mi suwi |
| | 43 la, ona o lukin | 82 ona lawa li sin |
| | 44 soweli li mani | 83 o taso e moli |
| | 45 toki la, mi toki | 84 o mute e jaki |
| | 46 sina ona e mi | 85 mi mu soweli ni |
| | 47 ona tu li olin | 86 mi kama li lili |
| | 48 sitelen o suwi | 87 la, pake li sewi |
| | 49 kule li kapesi | 88 o suwi e pilin |
| | 50 linja li kipisi | 89 e nasin tan moli |
| | 51 mi nanpa e mun mi | 90 o lili e ali |
| | 52 o pakala pilin | 91 ona kin li jaki |
| | 53 o utala olin | 92 moku li ken kasi |
| | 54 o alasa lukin | 93 sina nasa kili |
| | 55 sina luka e mi | 94 e majuna lili |
| | 56 ona kin li kasi | 95 o alasa mani |
| | 57 ona li jan musi | 96 o ali e moli |
| | 58 toki la, o lukin | 97 sina tawa monsi |
| | 59 o jaki e toki | 98 ni li sona musi |
| | 60 o soweli suwi | 99 o mute e pilin |
| | 61 o lete e seli | 100 mi en sina li ni |



- 19 jan Lan li jan lili
20 o kili e kasi
21 jan sewi o moli
22 ma sewi li musi

lipu nanpa tu tu

- | | | | | | |
|----|----------------------|----|---------------------|-----|---------------------|
| 1 | sina pake lili | 38 | e telo jelo kin | 75 | ko li ijo jaki |
| 2 | ni li apeja mi | 39 | sina la, ni li ni | 76 | sina sona e ni |
| 3 | mi wile kapesi | 40 | la, o lukin pali | 77 | o lon o moli kin |
| 4 | e nasin soweli | 41 | ilo toki li sin | 78 | o len wawa nasin |
| 5 | o moku akesi | 42 | suli li selo ni | 79 | sina ken kipisi |
| 6 | o pali e jaki | 43 | tempo tu li suwi | 80 | ona li kapesi |
| 7 | jan powe o musi | 44 | sina telo sinpin | | |
| 8 | ona la, o seli | 45 | o tawa akesi | | |
| 9 | e lipu jan nimi | 46 | olin li tan nasin | | |
| 10 | ona li leko ni | 47 | ona li ken pini | | |
| 11 | lon li seli sewi | 48 | sina tawa e ni | | |
| 12 | kin la, ni li mi kin | 49 | ni li jan Junpowin | | |
| 13 | leko ni li mani | 50 | e pini tempo ni | | |
| 14 | mun o sinpin moli | 51 | kulupu li jaki | | |
| 15 | e esun len e ni | 52 | o kama pona kin | | |
| 16 | e nasin kipisi | 53 | ni li lon tawa ni | | |
| 17 | sina jaki e ni | 54 | sijelo o nimi | | |
| 18 | mi telo e kasi | 55 | e soweli moli | 81 | seme li soweli |
| 19 | jan Pan li jan kili | 56 | a! kon ni li ali | 82 | sina o akesi |
| 20 | o pana e lon mi | 57 | la, leko la, mi sin | 83 | o sitelen nasin |
| 21 | sinpin ona li sin | 58 | uta li lupa kin | 84 | o majuna lukin |
| 22 | o walo e ko ni | 59 | monsuta li sewi | 85 | mi ken ala olin |
| 23 | telo o jaki kin | 60 | pakala o suwi | 86 | ona sin li pilin |
| 24 | ona li lon e ni | 61 | sina kulupu sin | 87 | o open e sewi |
| 25 | sina jaki e sin | 62 | o moku e kili | 88 | kala li lon poki |
| 26 | o kute e toki | 63 | sona ala li mi | 89 | mi ona e sinpin |
| 27 | kon telo o nimi | 64 | sina jan pona kin | 90 | ni ona li suli |
| 28 | sina toki e ni | 65 | e pake pini ni | 91 | ona tu li pipi |
| 29 | loje ona li sin | 66 | la, pona o suli | 92 | mi selo. mi suwi |
| 30 | sina o kipisi | 67 | kin la, ni o moli | 93 | jan Kan li sin pini |
| 31 | o kule suno kin | 68 | e uta e olin | 94 | o ala e toki |
| 32 | anpa laso o ni | 69 | mi o pona tan ni | 95 | ike pilin li mi |
| 33 | walo ni li jaki | 70 | e jan tan ma Sesin | 96 | o lawa e pali |
| 34 | ilo ona li ni | 71 | la, pilin li pini | 97 | ona o lon seli |
| 35 | sina jan poka kin | 72 | e namako lili | 98 | seme la, o nimi |
| 36 | pona sina o mi | 73 | la, sona li pilin | 99 | o esun e olin |
| 37 | o pana e pali | 74 | e sin e jan Iki | 100 | la, moli li pini |



lipu nanpa luka

1 esun sina li poka ala.
 2 la, olin li tomo lon insa.
 3 luka jan taso li lon lupa.
 4 kala o pilin e kiwen ma.
 5 mi mun e suno e pakala.
 6 nanpa tu
 li sama moli jan.
 7 kala ma kalama li kama.
 8 li tempo nasin pake ala.
 9 la, pona pakala li weka.
 10 e jaki pi pana pakala.
 11 nasa nasin suli o weka.
 12 utala uta la, o anpa.
 13 e nasa nasin mute kama.
 14 la, kala ma li kama ala.
 15 o jaki sinpin e kalama.
 16 pi tomo sona e olin ma.
 17 e namako sijelo ona.
 18 ma mi o mute o pakala.
 19 sina ken ala ken e ona?
 20 ona li lon ala lon anpa?
 21 kulupu li powe e nena.
 22 pilin ike li pilin wawa.
 23 e jaki e pana utala.
 24 ale li ante tan pakala.
 25 ona li apeja e sina.
 26 tomo Wasinsan
 o lon ala.
 27 loje en laso li alasa.
 28 telo la, ona li lon nasa.
 29 jan suli o kute e mama.
 30 ilo tawa Nu Oli li ma.
 31 sina ilo pona e nanpa.
 32 open la, seli lon o ona.
 33 pini la, lete kon o sona.
 34 jan li open
 tawa lon noka.
 35 kon li weka la, sina luka.
 36 o utala e sinpin sina.

37 mi toki telo sama pona.
 38 la, nimi sina o sewi a!
 39 ijo Alono o wan ala.
 40 o ilo e ilo kalama.
 41 la, ike ona la, o kama.
 42 kasi kule li len e pona.
 43 la, sina en ona li tawa.
 44 kiwen oko o mani pana.
 45 o weka e toki ike a.
 46 kulupu ni li suwi wawa.
 47 pan Pona li pana li poka.


 48 nimi Epiku o moli a!
 49 taso, sina kama pakala.
 50 ona taso li laso ala.
 51 jan Line li olin e linja.
 52 ijo Tate li toki sama.
 53 mi open pi open olin a.
 54 la, mi lon ala lon
 e mama?
 55 o nimi pi insa pimeja.
 56 esun tempo li jo e nasa.
 57 ona li ala tan monsuta.
 58 sina ken toki mute ala.
 59 taso, kili li kute nena.
 60 waso laso taso li weka.
 61 kapesi pake o apeja.
 62 ilo ko poki li jo insa.
 63 o jo e telo lawa ala.
 64 la, ni li tawa waso ona.
 65 nasin pi ken toki li pana.
 66 a! kulupu oko o nanpa.
 67 sijelo telo ni li tawa.
 68 kon Mile en ni o utala.
 69 o jaki insa e palisa.
 70 telo sijelo o lon insa.
 71 ni li jan Lulu.
 mi jan Lola.
 72 musi Soweli li ken anpa.
 73 telo li pakala e uta.
 74 jan Sanjo
 li kama e mama.
 75 seli li pona e ma ona.
 76 kala li leko lili sina.
 77 o lukin e jan pi lon ala.
 78 kon telo en kiwen
 o wawa.
 79 suwi moku li lupa uta.
 80 o jaki ala e kala ma.
 81 la, sitelen tawa li lawa.
 82 ni o pali e musi tawa.
 83 pipi en soweli li poka.
 84 ko jaki sina li tan ona.
 85 kule tempo suli li nena.
 86 jan li ni ala ni e sona?
 87 sina loje e jelo anpa.
 88 ilo pi ma nasa
 li tan wan.
 89 nena ni li kama lon luka.
 90 la, sina wile ala sina.
 91 lukin kin
 li ken sama weka.
 92 walo li kule jaki nasa.
 93 a sina wile pali ala.
 94 ona li tu wan. sina sona.
 95 o jaki wawa e monsuta.
 96 waso nasa li moku pona.
 97 ni li lon li ken moli pona.
 98 o pilin esun o kalama.
 99 o pilin e suno awen a.
 100 e esun len
 tan ma majuna. I

seme li mi

tan jan Alonola



· mi sike mama ·


= mi walo mi jelo mi loje mi laso
mi lili mi suli mi selo ala taso
insa mi li ko taso selo mi li kiwen
mi tawa ala mi kama suli mi awen

soweli en kala en pipi
suli li ken kama tan mi
akesi mute en waso
ale li lon tan mi taso

mi lon telo mi lon ma mi lon sewi a
seme li mi?

kijetesantakalu o

tan jan Ke Tami



FAQ

ISSN 2752-4639



977 2752 463 00 6

♪ Hello! You're looking at *lipu tempo*, a magazine written in Toki Pona. Maybe you're new and want to know more about this language. Great! This page hopes to answer some of your questions.

What is Toki Pona?

Toki Pona is an elegant minimal language. It was created by the Canadian linguist Sonja Lang in 2001. It has only got 14 letters and about 130 words.

Why would I learn Toki Pona?

Despite how tiny the language is, it is still possible to describe any concept with it. This might fascinate you. Maybe you just want to take a break from the complex world we live in. Or perhaps you just want to talk to your friends without others knowing what you're saying.

How can I learn Toki Pona, and where can I use it?

There is the official book: *Toki Pona: The Language of Good* by Sonja Lang. It teaches how to use Toki Pona. Sonja made a *Toki Pona Dictionary* too. There are also several free online courses. You can find Toki Pona groups and learning resources on tokipona.org, the official website, as well as on our own website: liputenpo.org.

I

Do you want to contribute? That's great! You can join us on liputenpo.org. We communicate in a Discord server.

sina wile pali tawa lipu tempo la o tawa lipu liputenpo.org · lon ona la sina ken tawa ma mi · jan pali li toki lon ona · sina kama lon kulupu la ni li pona a ·

All text and images in this document are licenced under a CC BY-SA 4.0 licence, unless indicated otherwise.

sina wile pana anu ante e ijo pi lipu ni la o lon nasin · nimi nasin li lon poka pi ijo ni la o lon ona · tawa ijo ali ante pi lipu ni la o lon nasin CC BY-SA 4.0 ·